

一路自松平寨入。一路自東屯入。昔人建有守備其重可知矣。按邑志曰。昔人建置軍民相參堡塞聯絡。備非不善。奈何番禺戢寧守者。輕其易與。上下懈弛。乙丙之難。率由四路入。如蹈無人之境。非細事也。又四寨之外。皆榷楠杞梓之材。守者公然深入。采取作器。貿易大開門戶。是誨之盜也。司守者尚其草夙弊。慎偵探。明烽燧。嚴盤檢。庶可無後患矣。或又以守備坐城中。不足耀武。何若移駐東屯行署。又四路適中之地。東望土壘。南鎮虎穴。節短應速。似亦策之得者。

靖虜衛

一路自塔兒灣。乘水渡河。由鎖黃川。青沙現入。犯安會。一路自迭烈遜老龍灣入。犯靖寧隆德。一路自梁泉經青沙現。無所不犯。一路自莽牛口經打刺亦入。犯衛南境。一路自哈思吉入。犯。一路自烟同溝經營房灘入。犯安會。一路自二角城入。犯。附論曰。靖虜昔苦松套二虜交訐。其要害頗多。自新疆既啟。松虜遠遁。邊內建堡設將。置戍開屯。蘆塘與紅水東西犄角。靖之西北境。即稱內地可矣。惟是東境尚苦套酋。往往踏水深入。注猶竊出山後。今公然取道山前。鎖黃川海納都一帶。曠遠難防。隆靜安會。每被其蹂躪。永安裴城。

二堡兵單不足禦遊兵觀望又不得力今雖建蘆溝堡設守備差足輔車若欲為靜陰安會萬全計非鎖海二川適中處再建一堡置將宿兵不可也然建堡置將豈易言哉

關梁

洮州衛

黑松嶺關東三十里

黑石嘴關東北四十里

大嶺關北九十里

石嶺關

八角關北一百四十里

舊洮州關西七十里此係要害

羊撒關北六十里

鳳山橋北四十里

舊橋東南四十里

新橋西南四十里

岷州衛

石關兒東一百三十里西控虜羗東維秦隴天然之鎖鑰也

野狐橋西四十里由洮入岷必經之路

西固城守禦所

化石關北九十里

平定關西北三十里

殺賊橋東南七十里

鄧橋東北一百里

蘭峪橋東南二十里

兩河口橋

階州守禦所

望賊關北一百八十里

七防關東八十里

石關西二十里

白河橋東南二十里

石門橋北五十里

棧道東一十五里

文縣

人燒關東南十里昔元人燒關入蜀故名

五壘關東北二百里晉鄧艾入蜀之路

臨江橋山勢巉巖長虹特起昔張勳據此以斷援兵

馬政

附論曰有兵則有馬馬之須于兵甚急也我國家之

馬政其法不啻備矣。然無如西塞之招商權茶羈番
易馬之為得策也。蓋番地不產五穀。所食惟青稞菽
豆。磴作炒麵。雜以蕪菁酪漿。非茗飲輒病廢食。不可
須臾離。若潛制其命者。初奉金牌納馬者。不過必力
等若干族。因立守禦所于涪疊防之。成化以來。黑章
哂等族叛服不常。阻塞道路。守禦廢而羗橫。自亦不
刺駐牧西海洮河二衛。番夷大罹其害。往往失故土。
昵近漢疆。欲資我保護。多內附求納馬。蓋虜為驅魚
之獺。番若依人之鳥。于是置洮河西寧三茶司。額設
監收一員。各大使一員。董之者兵憲。而臺史監察之。

為西南永利寔鞏之南境故攷之

岷州衛志曰。國初議招番軍止八名耳。近年增添太多。
耗費愈甚。而民兵又有戍涼戍洮戍階之分。自西虜窺
洮。散震于岷。當道者見番軍不得力。欲以其餉募兵以
資防禦。竊意番軍難以遽革。而客兵徒以糜費。莫若限
番軍之數以省餉。杜迴戍兵以壯衛。則兵食不加而自
足。是岷之長策也。

兵衛論曰。衛以兵為名。非止防夷。亦以禦侮。則兵是賴
也。衛額五千。而見兵財半。餘皆安在乎。即半亦未必盡
在衛。一遇操閱。類倉卒雇市人以充額。即失額。主者不

問矣。是尚謂有兵乎。無兵矣。尚謂有衛乎。弊由清勾為故事。而考課不嚴。征調祇虛文。而稽覈無法。加以屯糧免支。成風俗。軍無固志。主管以賣脫為應得。下循常規。欲對之。有兵不能也。無兵矣。尚論簡練耶。器械耶。說者謂非痛草積弊。大加振刷。不可。第上之繩約。解縱久。收拾不易。下之心志。狃習熟。促併翻駭。恐猝未易振也。以當承立平。不妨相安無事。一旦緩急。能無束手。是當事者所宜念也。

納馬夷人

本衛境六十六族

列咂族

瓦麻族

上下扯巴族

巢窩族

郭着族

哈爾本車族

駝竜族

納郎族

甘藏着落族

香藏族

木舍族

列咂板地族

卜劄族

川多族

底思當下族

碾斑族

卜刺方

喘哥兒族

夫刺族

羶藏族

安你巴族

雀哥族

勞咎族

答失下族

滿松族

哈約族

奔古八族

六卦族

芟藏族

劄來十族

多竜族

祿爾族

阿爵十族

芍原族

相古族

爾着五族

多藏族

阿護爾族

苦苦族

筍的族

川卜族

郭銷六族

掙多族

尾子族

哈古四族

麻六族

些龍族

攪龍四族

捏日族

雞翎族

沙麻兒族

答些族

圍哂族

阿讓爾族

着泥寺

着落寺

上冶三族

木九族

惡藏族

官洛族

阿中族

火巴族

落巴族

餓狸族

叅多族

答力族

岷州境七十六族

節藏族

多牟族

小五平族

竹力族

西宗族

青沙坡族

哈呢族

大的族

捏東哈族

巴竜族

榆樹族

惡卜赤族

忍藏族

水平族

三角坪族

鵝兜族

居木族

青石山族

真文族

占藏族

小青石族

劄上族

竹林族

上搭刺族

竹泉族

竹席族

下搭刺族

栗中族

麻子川族

七的族

多納族

栗林族

峰崖山族

真庄族

七龍族

長倭山族

陰山族

板藏族

昔藏寺族

峯崖族

尖藏族

竹園庄族

墻匡族

六工族

西寧溝族

刺即族

居占族

太平頭族

刺答族

湯吉族

坎卜他族

北晒族

着晒族

上羅卜族

塞卜族

堡族

下羅卜族

哈即族

多知族

上芭籬族

竹林族

鵲中族

上索晒族

北哂族

八哈族

狼空峪族

南哈族

密多族

下索哂族

賞哈族

湯的族

憨班堡族

劉刺族

刺哈族

鋒鐵城堡

番之環洮岷而居者生熟不下六七百族其納馬入貢者財十之二三無論生番跳梁即熟番居近川口者如必力阿力他杓剛劄甘加五種毳帳輕遷與虜不異而鴛鴦亦與虜同近雖貪茶茗就撫賞恐野性終不易馴是番族中所當加意防範者也

防禦論曰防禦者扼要而禦患者也自古籌邊者尚之為其足以制敵而自衛也今之所謂防禦者吾惑焉喫緊要堡當防必矣迺斗筭小聚零星羸卒或三五十名

或一二十名縛柴攔馬壘石塞壑小入不足以堵截大舉或反以損威此何為者也畫形國本不過塗塞標號糧籍不無虛冒何若專力要堡其他無益分布各路總計不下五千人似宜收回本鎮以壯軍伍但當遠斥候謹烽燧則收保蚤而脩禦先戰為先發守為有待勝筭固在我矣何賴瑣々之細謹乎故今第詳其大者餘惟記名以備覽

洮岷

舊洮州堡在洮州衛西七十里南接生番西鄰川虜二夷內侵必從此入臨鞏門戶洮岷咽喉西北籌邊茲首衝重地也內設防守一員有中軍有坐堡額兵一千現六百員名馬四百一十八匹

按洮州衛原以防番無虜患自正德間亦不刺竊擄西海而洮始防虜頻年內犯注々得志至十八年由官路直犯臨洮損兵折將洮非昔日之洮視諸邊為首衝舊洮州當其鋒而甘不他官洛惡藏土門等皆其八路近雖築邊一道低薄難恃虜來動以萬計而衛兵不足三千衆寡之形未陳先辨何以足兵何以足餉為久安長計任疆場之寄者枕戈而籌之

古爾占堡在保衛西十里有防守官一員旗軍二十七名

馬一十七匹。

官洛堡在堡西二十五里。有防守土舍一人。管番夫一百三名。

惡藏堡在堡西二十里。有防守土舍一人。管番夫一百三名。

迤東揚昇等一十二堡。雖小俱係要衝。其防守軍各不過二三十名。地衝若彼。備單若此。挹蕭葦以捍衝流。舉杯水以澆輿薪。寧有幸乎。保疆者何以籌之。西固迤東。專力脩番堡無要者。

靖虜衛

蘆塘堡在衛北一百二十里。黃河外。今為內地。南倚黃河。不蘆踏冰之入。西連洪水。氣勢相依。以靖鎮而論。新疆第一要堡也。內創設叅將一員。有中軍。有兩哨。有坐堡軍屯。環列以禦松首。

蘆溝堡在衛北一百四十里。東通鎖黃。扼套虜之衝。西連永安。縮松疆之要。新設守備一員。領中軍一員。坐堡一員。撥正遊等營軍一千二百一十名。守禦。

打刺赤堡在衛東七十里。駐操守一員。嘉靖十七年。中千戶所官軍三百八十七員。名字守防。

乾鹽池堡在衛東一百二十里。駐操守一員。以本衛右

千戶所全伍官軍三百一十九員名防守

平灘堡在衛西九十里舊蘭州境成化一十二年虜犯大浪口守備廖斌禦戰大捷乃建堡撥本衛步軍九十八名戍守遂隸于衛駐操守一員領官軍一百三十八員名字防

永安堡在衛東北一百五十里裴家川隆慶元年虜自老龍灣犯入郭城驛至衛城外擄掠甚慘固原軍門王公崇古議建今堡靖虜守備移駐防守仍隸靖虜將小蘆塘在衛東北二百里黃河外本年同建此堡分撥標下兵一百五十五名防守官一員為輔車之勢

索橋堡在蘆塘東四十里黃河北岸本年同建轉輸民運以便支給防守官一員領軍一百名專一防河管理舡隻

徭役論曰聞之法不輕變治惟隨俗故曰隨俗而治者吏習而民安之言弗執也以余觀于鞏之徭役而知新法條鞭之為北境累矣何者蓋南境氣候既暎物產復饒有木綿梗稻之產有蚕絲楮紵之業又地僻力餘營值不碍民間貧富不甚相懸一切取齊條鞭奚不可北境則不然也地寒涼產瘠薄即中路又若衝煩貧富相去何啻倍蓰然條鞭未行之前民何以供役不稱困蓋

富者輸貲銀差無逋貧者出身力役可完且一身既食于官八口復幫于戶詎惟存貧兼復資養更習民安茲其效矣自條鞭既行一槩徵銀富者無論已貧者有身無銀身又不得以抵銀簿書有約催科稍迫有負釜孟走耳徵輸不前申解難緩那借所不免也以拆墻壘壁之計見捉襟露肘之形官民不兩病乎驛所之病亦復類此前已畧言之蓋彼以包賠致流竄是走避而累戶口此以應急損邊廩又因差而累錢糧條鞭之于北境宜耶不宜耶名曰均徭均耶弗均耶必百姓曰均斯均矣

里社論曰夫戶口里社所以記版籍也然版籍如常而民生日瘁者何則名存寔亡籍在民流偏枯賠賤日損不支耳蓋征發者按籍取贏賠賤者分外竭力盡則逋勢所必至則今之版籍乃貧小之贅疣公府之虛券也以虛券而責寔征譬之半足製長衣奚止捉衿露肘羸夫肩重擔能無頽仆傾培又如內耗之人儀貌容觀豈不偉然而精神氣脉消鑠殆盡止可苟延歲月而能當寒暑哉且如安定籍二千石矣寔在止四百是以四百應二千二百之役也通渭籍一千六百矣寔在止六百是以六百供一千六百之用也又富者以羨貲買輕

貧者以無力肩鉅他邑皆然隴西尤甚官避耗減之名而開除不列民困賠累之苦而控訴無門此而不變勢將何極變之奈何則朶殘甲以攢里嚴欺隱以清門是今日所宜急講也語曰不患寡而患不均則徭賦通勻居者無偏重偏輕之弊供輸平等流者有漸還漸復之機夫以虛大致逃亡是求多反損之道也以攢減還流竄是名損寔益之法也此可為尹晉陽告敢為王膠東望哉

驛遞論曰今之驛遞在在稱病矣其病始于名募自余記省二十年前官民相安不聞稱病也蓋彼時酌丁力僉編其所僉者皆丁多糧廣之大戶蓋糧廣則地腴力厚出猶不難丁多則衆擎易舉流行無滯即以各屬槩計之每處戶不下二千餘本驛所編馬驢牛不及二百頭豈二千戶之中不能選二百富大之戶乎此所以二百年來不稱病也召募乃於原額丁糧之外率增十分之五以給募夫又令其自行打取夫富戶應役時其闔戶出備視原額不啻倍之雖倍而力大不斃也今即增五分反免五分之費是于舊差中減五分也若零丁小戶丁糧之外原無地擾今槩增之五分是貧小之民替富民包賠也定門則何為又自行打取則小民之墾

雞蓄彘方應里積衙皂之吞噬而破衣短襦又遭站戶
之禿剝力難自活有負釜盂逃去耳試查二十年以來
戶口十分減去二三否則其病不但在驛所而且及戶
口里甲日耗所由來已故條鞭雖良法而俗有弗宜未
有不反為 害者今募夫小民均稱苦累有願復糧編
之請語曰窮則變長民者其何以調劑之

郡國利病書卷之五十八終

天下郡國利病書卷之五十九



臨洮

洪武二年大將軍徐達進兵克秦隴乃遣馮勝統諸衛
進征臨洮李思齊窮迫遂以城降顧時戴德各將本部

兵征蘭州克之殘王元保自甘肅以兵來襲蘭州

奄至城下守將指揮張溫擊却之大將軍帥諸將西

征吐蕃克河州招諭吐蕃元帥何鎖南普
化鬼六等皆納印請降追元豫王至

西黃河底黑松林殺阿撒禿子于河州

四年議征沙漠以宋國公馮勝為征西將軍傅友德陳

德為副出臨洮攻甘肅

王保于蘭州城
東北築城以居城
有二一在東關城
一在金城關北

五年鄧愈沐英等至西番分兵為三道併力齊入番部

川藏覆其巢穴窮至崑崙山斬首不可勝計俘男女一萬口馬五千牛羊十三萬

三十一年三月肅王自甘肅移蘭州前以甘肅兵變不常遂題請移于此

弘治十五年兵備副使高顯守備楊佑統兵襲番夷鎖

南溫古六夫加敗之

正德九年命總制都御史彭澤逐北虜虜住牧西海澤命總兵官徐謙

帥萬人征之

十年套虜深入掠臨洮等處總制都御史鄧章調官軍

不能禦

十三年虜復潛入臨洮

嘉靖四年設欽差戶部郎中住蘭州督理甘固邊儲自

姜志德始先是正德五年御史潘倣建言添設戶部員外周汝勤未几裁去本年以兵部尚書金獻

民郎中胡宗明題改設戶部郎中

八年洮岷番侵臨洮總制尚書王瓊遣鎮守都督劉文

等進兵擊破之

十八年設臨鞏兵備道勅命按察司官駐蘭州整飭

軍務

二十一年春正月北虜潛入蘭州大肆搶掠

萬曆三年西羗劄着他等入犯郡境殺掠人民固鎮總

兵孫國臣統兵分五路由舊洮州入剿大滅之洮郡推官刘希

稷監軍斬首二百四十餘級燒死男女數百奪獲夷器輜重三千有奇

十八年七月十三日虜酋火落赤由河境入犯臨洮臨

鞏兵備僉事郭宗賢固鎮總兵劉承嗣督蘭州遊擊孟

孝臣兵馬大戰于和政驛敗之斬首十餘級火酋次子把罕兔長塔拜言他卜

囊俱中砲死于陣十五日郡四郊皆虜道路堵塞人心危惧

孝臣自改河領兵潛至南川下營賊勢稍解十六日

遊擊劉子都搜虜至十九原虜自河西紅道路潛入子

都遇戰奮擊賊勢大衆力屈而死十八日臨洮知府

岳維華分遣民兵相機擊虜斬首五十餘級先是賊方

調度守城旦暮登埤不辭勞瘁傳檄攻斂境內幸保無虞者皆維華力也虜屯營朱家山

二十七日總兵劉承嗣督領參將鄧鳳遊擊孟孝臣郭

有光等提靖固延寧四處兵馬與賊大戰時秋雨霪霖

決旬日不止盛甲弓箭俱濕我兵不得騁賊乘勢大舉

承嗣遂敗績是時死于陣者指揮李如玉千戶魏承勳李國端把總何天衡虜追承

嗣甚急孝臣死救入營得免火酋始入犯甚狂逞兵

無紀律我兵零星堵剿逐至郭麻灘遂失勢覓去路不

得先發弱虜析各柞口奔出留精兵尾後至八月初二

日盡出境奪獲原掠男女一百六十名口牛羊器物有萬計

十九年正月火酋部落潛住莽刺之南山固鎮總兵尤

繼先統領蕃漢官兵擊襲之大創賊兵斬首一百四十二顆七

月陝西巡撫都御史葉夢熊防秋駐臨洮自此遵廷設每

河冬初

四省
二十一年移陝西叅將彭振雲領兵防範臨洮未幾改

副總兵

二十三年改副總兵為臨洮鎮以五府都督守之設生

六員募兵一千五百甘涼等

操兵馬并降夷俱入營伍
二十四年正月昆着等首糾合真相等首假搶番窺紀

內地兵備僉事張棟會同臨鎮總兵官劉綎遣大兵入

剿賊迎敵我兵全勝追至巢穴虜復大潰餘奔逃斬首

二十有奇生擒八名獲

頭畜一萬八千有奇
二十六年三月虜酋着力兔等住牧松山緣我兵收降

勤斬數多議欲讐犯兵備副使張棟會同臨鎮總兵官

陳霞調大兵分五路堵勦至六箇井大破之迄四月逐

虜遠遁斬首六十一顆收獲馬四月虜復寇烏蘭兵

備副使張棟遣蘭河二營兵馬由照山子渡河追覘虜

大敗自是虜不敢窺松山斬首二顆生擒一五月虜

沙害海豸等率眾自大岔口歸降棟收之發臨蘭二營

給月糧馬匹聽操遣男婦二百名口馬十一月總督

尚書李文陝西巡撫賈待問以松虜遠遁檄臨鞏兵備

副使荊州俊議處恢復自成祖逐胡虜于三受降城

至成化初東勝地一失李羅據套松山盡為虜有迄慶曆間款市既啟着力免宰僧阿赤鬼寺首盤據松山等處于是蘭靖每被荼毒涼莊遂成一線彼且呼明引類搶漢掠番甫一登高盡窺內地三十二年奉檄遣兵深八松山追殺松虜賊青首于乙未之夏賊永首于乙未之秋丁酉冬則破羊川之犯戊戌春遂伐西寧之謀所以着羊諸酋知西海不能渡松山不能守旋遁沙磧適賀蘭而松山復為中國物矣乃議恢復 十二日遣臨洮府同知馮恂蘭營遊擊閻逢時帶領兵馬自金城關由大岔口出塞踏勘雙墩子紅水蘆塘等處議築長邊恂等勘得雙墩子以東至紅水河四十里有水可以築牆紅水河以東三十里俱石山無土不堪挑築應砌石牆自鹹灘墩至小芦塘旧墩至索橋三十里川險間斷或築牆或挑濠各相便宜

二十七年正月虜聚眾屯住團北山窺伺內地臨鞏兵脩副使荊州俊遣河營副總兵周國柱統兵擊敗之首斬

十五顆生擒二名奪獲達馬 二月總督李汶會同陝西巡撫賈待問甘肅巡撫徐三畏臨鎮總兵官孫仁兵脩副使荊州俊等親詣松山條議脩築分工舉役選各

營精銳兵馬設伏要害去處隄防虜擾河東自永安堡

川等城三座補修芦塘河大城一座至雙墩團莊分界河自泗水堡脩遊玉門兒等城三座補修扒沙營城

一座至雙墩團莊分界是年五月告成 兵脩副使荊州俊據蘭營報遣

通丁真夷往松山蘆塘巡哨遇虜對敵勝之斬首二十級擒獲

婦女一設五將領兵馬糧芻以脩分兵自永太川以東

擊一員中軍一員把總二員坐堡一員馬步兵一千名

五眼井操守一員坐堡一員馬步兵五百名各三月于蘭州衛分撥糧料俱隨原衛關支隸臨鞏道

副使荆州俊調集兵馬搜勦虜首遺孽松山犁然一空

恐虜首窺伺督發臨蘭二營內丁降夷晝行夜伏直抵青羊水剿除萌孽斬首二十餘級松山自此始空

四月虜首潛入松山擾築謀奪故巢副使荆州俊發兵

伏黃沙掌嚴擊敗之追至中衛虜遁去斬首七顆奪達馬一匹甲二副

五月虜精兵住抗那將糾眾渡河侵犯內境州俊遣哨

丁崔彥明等伏和尚坪俟虜半渡齊出撲射敗之斬首二級

人馬被射溺死者甚多虜賊潛至靈西山搶掠番漢牧放牛羊

荆州俊遣兵由藏山對敵三次大破之斬首二級

二十八年正月副使荆州俊招降達番川藏六卜等千

餘名火酋覺發兵來奪州俊隨遣官兵迎護降番遇虜

連戰大勝虜披靡遠退直至交子岡斬首十九級奪獲夷物甚多三月州

俊建弘濟橋于國子溝以濟緩急蘭與河田圍子溝通

洮河水勢洶湧不可渡彼此策應必由臨洮緩急不能相濟當事者告之遂檄通判徐有登督修浮橋于此計

潤四十一丈六月總督李文檄叅政荆州俊加修紅

水三眼井二堡

二十九年二月荆州俊計處松山善後事宜先是紅水

因極邊衝要改守備為游擊增兵馬又以城池窄狹復自旧城東西南三面展修新城一百四十九丈云

五月火永芋首結好率眾占據莽捏收番用圖報復兵

勢壓境荆州俊檄將領設伏兵勝之斬首三十四級奪

具千五百有奇

三十年正月，叅政荆州俊以番虜呼羅台失，尋率眾歸

附收之。遣河營叅將姚德明出境巡視，至却遜界口，呼羅台失，苜男婦一千七百六十五名，携馬牛旃

降。虜土滅恰等侵掠河境，州俊發番漢官兵至古尔

半，大破之。斬首五十有五，生擒七，獲牛羊二千三百有奇，輜重甚多。二月，荆州俊

遣哨丁真夷兵偵虜至卜浪五都兒，遇敵勝之。斬首四，獲達馬

一百三十有奇。首子揣庫兒寇逼河境，州俊遣番兵哈番板

苜擊破之。斬首二，獲達馬二，輜重亦多。八月，虜屯據松山之北

總督李文檄洮周二總兵由蘆塘出邊搗巢，賊大創。斬首

二十一，獲達馬四十三匹。八月至十月，州俊收紅水苜處降夷兵

八起。男婦百七十五。九月，真相台吉苜提兵謀雪土滅

恰讐州俊協同總兵官孫仁調遣諸營兵至節子岡，大

戰獲全勝。斬首二百十三，獲達馬百三十有奇，輜重數萬計。十月，虜尚窺伺

內地，州俊遣官兵巡哨至沙窩，遇戰勝之。餘孽北遁。斬首

三，獲達馬一匹，夷具甚多。十一月，西羗六丑力節苜作乱，臨鎮總

兵官孫仁督兵由宕昌五路進剿，大滅之。仁即先年固鎮總兵官孫

國臣子羗人前後為逆，孫父子相繼剿之。斬首二百五十餘級，奪獲夷具四千，并燔其族。十二月

火酋部落從沙溝過水橋住達子州，謀犯河州。俊遣

官兵破于隴羊硤。斬首四，獲達馬一匹，夷具甚多。

三十一年五月，總督李文巡撫顧其志上疏議修老虎

城，改為永泰城。時緣松疆新復，沿邊千里，所設墩堡無幾，遠近難以應援，遂築此城，設副總兵

統轄芋塘 六月檄移蘭州叅將等官於新疆駐蹕初

州諸營堡原以備禦松虜既有新邊即屬腹裡于是撤

蘭州叅將併党家等堡操守於新疆城堡更于城以南

築小堡二一名鎮虜一名保定 八月虜竊窀紅水新

添設墩臺二十餘座撥兵守瞭 邊州俊遣兵堵剿于白墩子餘虜驚奔斬首二十人獲

一隻奪夷 冬虜眾躡冰南犯州俊會同總兵孫仁遣

具甚多 驍騎相機拒剿至把撒等川火攻破之斬首十七獲

甚多時火酋小婿擢 免他 囊死于陣 三十二年七月屬番板只殺千戶張燧巡撫顧其志會

軍門李文檄叅將姚德明勒兵問狀得三渠魁仍還所

掠以番俗罰九遂平 八月荊州俊因事揆策復立

番站以通道路河州至歸德國初設站者六曰三岔

番官一員如腹裡驛丞例各給印信站馬應伺注來公

使非因借力于番也明荒服固執之義聯遠人攜二之

心萬曆二十年總兵尤繼先統兵西征以軍裝負累番

馬遞送自是番疲于力併廢其驛而道路為之不通頃

因挫哈之變州俊多方籌策查照原設驛遞如三岔等

站仍舊立每站各選番官一員各軍五名各馬八匹

梗化者亦無 水利 狄道縣唐古泉水由清水渠至番城灌田地二百餘頃

洮河水由深溝免至郡城西灌田園百餘頃年久淤塞

萬曆乙巳知縣閻士望疏通之 三岔河水至野門口灌田地百餘頃

柳林溝水由好水溝至洮河灌田地一頃二十五畝
合水溝水至康家崖灌田地一頃五十畝
新店子溝水至稅家灣灌田地一百頃
大石鋪溝水由古城至洮河灌田地八十餘畝
牛頭溝水至朱家溝灌田地三十畝
安家河灣水至李家灣灌田地五十畝
中鋪溝水由蔣家山根至溝口灌田地二十頃
蘭州阿干水自分水嶺分為二南流金縣為浩疊河北
流蘭州為阿干河由西園引至城內灌阿干等里田園
九十九頃一十一畝

五泉水自臯蘭山下至南園灌田園二十五頃五十六
畝
黃峪溝水在州西七里筍籬溝水在州西南六里金溝
水在州西二十里東柳溝水在州東三十里西柳溝水
在州西五十里五溝灌溉所資不同共計田地三百餘
頃
崔家崖壩教場後壩皆東西二川所資水利于黃河者
灌田園二百餘頃
金縣馬家溝水灌田地一十餘頃
小龕峪水灌田地九十餘畝

官溝水、分流馬家溝、由常川入城、灌田園一頃。
河州老鴉山口水、至九眼泉、有古蹟渠。成化癸卯、守備
康永開壩百五十里、灌田地一千頃。年久湮廢。隆慶間、
叅將張翼、知州聶守中、仍疏通之。萬曆壬辰、知州耿德
章復濬之。後官渠壩口多衝壞。萬曆壬寅、知州陳文焯
相勢、新開長渠一道、自焦家壩北折入九眼泉三十里、
灌溉仍故。

礦洞

蘭州北二百五十里松山之南、礦爐三十座。

窯冶

狄道縣 瓦窯十座、鑄瀉爐四座。

蘭州 磁窯三十四座、瓦窯十座、鑄瀉爐一座。

金縣 磁窯二座、瓦窯、鑄瀉爐一座。

河州 磁窯七座、瓦窯十一座、鑄瀉爐三座。

茶馬

地畝

成化改元、兵部以馬政議行屯田于濱邊衛所、每地一
頃、歲徵銀一錢、以備買馬之用、名曰地畝。

椿頭

成化丁酉以所給戰馬倒折係在家者奏准在外各邊照京營馬隊官軍事例馬主出椿頭銀兩則次以罰調養失宜及走失被盜者名曰椿頭係都指揮者出銀三兩係指揮者出銀二兩五錢係千百戶鎮撫者出銀二兩係旗軍者出銀一兩五錢係走失被盜者各加銀五錢

朋合

成化丁酉以所給戰馬倒折係在陣者奏准在外各邊照京營馬隊官軍事例每歲以六個月為率各出朋合銀兩則次以備置買戰死馬匹每月都指揮指揮一錢千百戶鎮撫七分旗軍五分名曰朋合

收領

先是地畝椿頭朋合銀兩歛于無事之日類解陝西行太僕寺收貯以備原衛所官軍買馬拖欠則催徵告領則覈給嘉靖己丑總督王瓊奏請各衛自行收支節省冗費後因衛所弊作至癸己歲巡茶御史郭圻仍令解貯本寺如遇買補必須呈報茶院批行該道勘定方許給領如拖欠三年以上者雖有銀兩不准給發若積貯雖多亦不准別衛借用迺來衛所徵解多不及時弊且

滋生萬曆甲辰巡茶御史、學遷按洮清查嚴督其地
畝等銀不時徵解如期而收領之弊竇且盡息矣

疆域

河境原近西海番虜環據洪武丙辰征虜將軍鄧愈窮
追番部至崑崙山道路疏通奏設必里衛分二十一族
頒降金牌二十一面為符納馬永樂丙戌都指揮劉釗
奏立守禦千戶設屯十一處成化以來黑章哱等族移
帳侵擾屯寨阻塞道路累嘗撫化而叛服不常正德初
虜酋亦卜刺等部落潛據西海河洮二衛屬番大羅其
害失其故土侵逼漢疆遂設河州茶馬司額設大使一

員監收官一員 歲用茶 每歲用茶易馬賞番等項

共五萬一千二百篋有奇 歲中馬 每歲中馬原額

年例一千五百四十匹分給各鎮官軍騎征餘者發牧

作種萬曆戊子後因庫有積茶番有餘馬節次增中河

州增至三千四百五匹五司歲計一萬二千餘匹

至庚子歲巡茶御史畢三才回馬增多 歲給馬 延

引茶缺少題准每歲額定三千四十匹 寧輪流一千三百匹 固原七百五十匹 蘭州歸德

景古寺營三百七匹 河州營五十匹 苑馬寺九十

五匹 納馬番族

河州氈藏族

老鴉族

弘化族

珠珍族

靈藏族

加哂族

西番州族

達子州族

攪覺族

白章哂族

令哂族

劉哈族

子剛巴族

羅思曩刺族

龍卜族

保安站族

思拜思族

朶工族

列思巴族

雙逢族

引劄目族

黑達子族

英雄族

撒刺族

邊多族

火藍族

拾藏族

鐵巴族

朶藏族

川藏族

着亦哂族

思囊哂色納族

哂泥族

青寺尔族

龍瓦尔族

朶日族

果尔族

阿思工族

汪束族

川撒尔族

火安族

巴哈族

吉巴族

乞台族

火爾藏族

吉哂族

羗刺族

遠竹族

沙藏族

斐兒加族

使哈族

乞加加族

失加右族

牙卜城六族

朶加爾加族

冲不鸞車族

稅課

蘭州稅課局帶收甘州官茶。先是因甘肅孤懸河外原
非行茶地方亦無招中事規。嘉靖癸亥巡茶鮑御史看
得該鎮番俗頗多。比照洮河西寧事例。題准于甘州建
設茶司。因商人苦于運拽。調停折中。收貯蘭州。自隆慶

庚午歲起將洮河西寧三茶司商人擇其節年完茶數多者各給甘州茶一引運至蘭州稅課局帶收其應易馬者運運甘州應給商者令本商運至西寧寺處貨賣則商有一半脚力之省稱兩便矣。邇來官司及棧運漸起弊端商頗稱累萬曆甲辰巡茶御史學遷按洮檄該局收納不得留難仍緝脚力沿途竊茶者重治之商頌在道。

堡寨

狄道縣所轄民堡六座

鄭家堡

漆家堡

沙泥堡

駱家堡

楊家堡

康家堡

臨洮衛所轄堡五座

官堡

高崖堡

何家堡

慶平堡

銅錢公堡

渭源縣所轄民堡四座

馬家堡

耿家堡

王家堡

南川官堡

蘭州舊轄民堡八座

桑園免堡

柴家臺堡

達家臺堡

張家灣堡

黃峪溝堡

八盤堡

何千鎮堡

小馬蓮灘堡

蘭州衛舊轄堡一十六座

把石溝堡

什字川堡

西古城堡

積灘堡

馬家灣堡

安寧堡

十里店堡

東崗鎮堡

夏官營堡

東古城堡

柳溝店堡

朱典營堡

石頭溝堡

甘草店堡

三角鎮堡

茨坪劉家堡

中護衛所轄堡六座

鹽場堡

一條城堡

買子堡

秦旗營堡

佃子川堡

張家堡

新疆

紅水河堡在州北五百四十里周圍一百二十丈高三丈一尺濶二丈壕深一丈五尺濶稱之內設遊擊中軍公署各一所經過公館一所倉場各一處閔王廟宇一所營房俱全後因改將增兵復議舊堡三面接築新城一百四十九丈角臺樓舖門洞全外條耕牧團庄一處三眼井堡在州北五百里城池高濶如紅水內設操守公署一所經過公館一所閔王廟宇一處營房倉庫全以上二堡萬曆二十七年兵備副使荊州俊創建永泰城在松山紅水迤南一百二十里周圍四百八十八丈高四丈濶三丈內設副總兵一員千把總官五員馬

步軍二十名倉場各一處倉官一員

保定堡在天池水永泰迤南一百五十里周圍一百六十丈高三丈五尺濶二丈五尺內設操守官一員馬步軍一百五十名

鎮虜堡在滾巴川保定迤南一百二十里周圍高濶丈

尺額設官軍名數與保定同按此一城二堡草創未及萬曆三十二年總兵李汶

會巡撫顧其志議奏添設蓋謂紅三二堡去蘭甚遠城孤援寡同是度程途察險夷建立三城與紅山相唇齒而副總兵統轄芦塘等處勢若列星便若臂指倘一有事自不患彼此非輔車也

金縣所轄民堡八座

清水堡

定遠堡

宋家堡

魏家堡

邵家堡

龕谷塞堡

竇家堡

上劉家堡

河州所轄民堡一十一座

和政堡

定羗堡

銀川堡

長寧堡

俺歌堡

韓家堡

尹家堡

吹麻堡

黑石山堡

高陵山堡

紅土坡堡

河州叅將營所轄堡一十座

大通堡

党家堡

弘花堡

龍溝堡

景古城堡

馬家灘堡

雙城堡

吹麻堡

千觀臺堡

陡石關堡

河州衛所轄寨四座

十里屯寨

水泉坪寨

安遠坡寨

古城寨

歸德遊擊所轄堡一座 寨六座

歸德堡

周鑑寨

王源寨

劉慶寨

李釗寨

康泰寨

楊鸞寨

保安操守所轄堡一座

保安站堡

新修起臺堡大城一座周圍一百六十丈閔城三面一百丈高三丈五尺濶二丈五尺內設守備中軍公署各一所過往公館一所閔王廟一所營房俱全萬曆二十九年兵備右叅政荻州俊創建

閔隘

狄道縣閔一座

摩雲嶺閔在縣北一百五十里

蘭州閔一座

金城閔在城北二里黃河北岸宋紹興四年置據河山之險以為固國朝景泰間守備李進鑿石重建萬曆二十五年兵備副使張棟易土為磚有記

河州閔二十四座

洪武年間設每閔官一員軍五十名字把一年一換

積石閔在州西百二十里

仇藏閔在州西七十里

老鴉閔在州西九十里

土門關在州西九十里

槐樹關在州南七十里

殺馬關在州南八十里

陡石關在州南八十里

崔家碛關在州

樊家碛關在州

五臺關在州

已上三關
本志無

西山小路山口在州西九十里

紅崖子山口在州西七十里

莫泥溝山口在州西七十里

石嘴兒山口在州西九十里

桑只巴山口在州西七十里

缸板嶺山口在州南六十里

西兒腦山口在州西九十里

喬家岔山口在州南八十里

雅塘關

本志無

思巴思山口在州西七十里

大馬家灘山口在州南一百七十里

小馬家灘山口在州南一百四十里

麻山山口在州南九十里

本志有賈刺麻山
口在州西一百里大
坑嶺山口在州西九
十里沙刺麻山口
在州南八十里寧
河關在州東南六
十里

僚隴關在州南二百里

塞垣

蘭州叅將所管邊牆四道

河南大邊一道東自靖虜衛大狼溝起至迤西沈骨硤
止通長四百餘里

河北邊牆一道自蓋場堡起至沙岡墩止長五千六百
二十丈

桑園兒小邊齊峴口起至小水河止長四百五十丈
桑園兒築砌邊牆共長七百一十三丈

紅水遊擊所管邊牆一道

新邊自蘆塘交界永泰川起至迤西扒沙交界雙墩子
止通長九十里

河州叅將所管邊牆四道

大通河邊牆一道自大通河起至迭遜溝止通長八十
里

河北大通堡邊牆一道長二百九十丈

河南大夏河邊牆一道長一百四十丈

石砌鶯窩硤邊牆一道長二十五丈

烽燧

蘭州叅將營所轄墩臺一十七座

九一 君國不飛書
卷五十九
二四
猴子山墩

古城角墩

高嶺兔墩

烟洞溝墩

峰臺山墩

一豁峴墩

定火城墩

老鶴窩墩

黑碓洞墩

三十六盤墩

看泉山墩

彬草山墩

石山墩

土人川墩

望遠山墩

羊角山墩

滾巴川墩

庄營二處

野狐橋團庄

猴子山營房

蘭州衛所轄墩臺二十七座

黑石頭墩

白虎山墩

鎮寧墩

東崗鎮墩

沙崗墩

齊峴口墩

竇家崖墩

鷄爪山墩

上碾堡墩

結家嘴墩

第三都墩

閻家坪墩

扎馬臺墩

古浮橋墩

深溝兒墩

土圍山墩

黃土坪墩

狼兒山墩

卧龍川墩

山口

九一君國禾飛書
卷五十九
二六

車道嶺墩

密不老塹

水泉免塹

安家山墩

崔家崖塹

青石嘴塹

高山塹

橫嶺塹

中護衛所轄墩臺四座

魯谷免墩

王信溝墩

尖山免墩

西坪墩

紅水遊擊營所轄墩臺三十一座

永太墩

青石嘴墩

大山墩

亂山墩

麻黃墩

沙梁墩

城東墩

城南墩

城北墩

西界墩

黑石墩

平川墩

鎮虜墩

平虜墩

城南墩

城北墩

舊古墩

板井墩

威遠墩

清邊墩

鹹井墩

騷狐泉墩

三山墩

八字山墩

靖虜川山墩

頑羊山墩

陝西

六

駱駝山墩

龍頭山墩

鎖寒山墩

平川墩

滅胡墩

營房二處

騷狐泉營房

鎖寒川營房

河州叅將營所轄墩臺七十座

乾溝源墩

崔家源墩

小黑水墩

張百戶寨墩

舡板嶺墩

乾溝山墩

劉家山墩

安家山墩

孔家寺墩

青石山墩

朱家臺墩

党家源墩

党家山墩

大通源墩

黑山石墩

勉哥山墩

黎哥山墩

小川山墩

飛山崖墩

苟家山墩

康家山墩

段家山墩

弘花寺墩

上沙子墩

下沙子墩

滿古都墩

哈唇墩

火烧溝墩

白路溝墩

川城兜墩

苦水泉墩

焦家山墩

党家山墩

高嘴山墩

韓家寺墩

雙城山墩

川撒山墩

節子凹墩

箭山嶺墩

旦隴坡頂墩

果麻嶺墩

經廠嶺墩

酸茨石嶺墩

李子坡墩

打兜加墩

葱花嶺墩

石嘴嶺墩

山寨嶺墩

任家山墩

王尔山墩

石嘴嶺墩

石嘴嶺墩

邱家嶺墩

槐山嶺墩

火燒嶺墩

滅兒古山墩

的巴山墩

槐閔嶺墩

訖藏山墩

起臺墩

潘家嶺墩

栢楊中嶺墩

牛頭山墩

石嘴山墩

牛安山墩

柔柴凹墩

八陽山墩

老馬安山墩

陝藏山墩

青山墩

鹿場山墩

歸德遊擊營所轄墩臺十五座

山坡墩

官田墩

下馬廠墩

撒通山墩

寺角嘴墩

馬達墩

王屯寨墩

周屯寨墩

通小山墩

蘆子溝墩

元學士潘昂霄窮河源記

河源在吐番朶甘思西鄙有泉百餘泓或潦水沮洳散
溪方可七八十里且泥弱不勝人迹近觀弗克傍立高
山下視燦若列星以故名火墩腦兒譯言星宿海也群
流奔湍近五七里匯二巨澤名阿刺腦兒自西徂東連
屬吞噬廣輪馬行一日程迤邐東鶩成川號赤賓河二
三日程水西南來名以里木合赤賓三四日程南來名
葱蘭又水東南來名里也木合流入赤賓其流浸大始
名黃河然水清人可涉又一二日岐裂八九股名也孫
榦論譯言九渡通廣六七里馬亦可渡又四五日程水

渾濁土人抱草囊乘馬過之民聚部落糾集木榦象丹
傳毛革以濟僅容兩人繼是西山歧東廣可一二里或
半里深莫測矣朶甘思東北鄙有大雪山名亦耳麻不
莫刺其山最高譯言騰乞里塔即崑崙山也山腹至頂
皆雪冬夏不消土人言遠年成冰六月見之自八九股
水至崑崙行二十六日程河行崑崙崙南半日程既又四
五日程至地名潤即及潤提二地相屬又三日地名哈
刺別里赤兒四達之衝也多寇盜有官兵鎮防崑崙崙迤
西人簡少多處山南山皆不穹峻水亦散漫獸有犴牛
野馬狼豹羶羊之類其東山益高地亦漸下岸狹隘有
狐可一躍之者行五六日程有水西南來名納隣哈刺
譯言細黃河也又兩日程水南來名乞兒馬出二水合
流入河：北行轉西至崑崙北二日程地水過之北流
少東又北流入河半月程至歸德州地名必赤里始有
州事官府州隸河州置司土番等處宣慰司所轄又四
五日程至積石州即禹貢積石云

河州志烽堠二十一處

崔家原墩州西二里

乾溝岩墩州西十里

小黑水山墩州西十五里

張家寨墩州西三十里

船坡墩州北四十里

白馬廟山墩州東五十里

紅崖子山墩州北二十里

安家山墩州東北五十里

下胖哥山墩州東北百里

劉家山墩州東北百二十里

乾溝山墩州西北百二十里

孔家寺山墩州西北百五十里

青石山墩州北百五十里

朱家山墩州東北百五十里

党家山墩州北二百一十里

大通原墩州東北百五十里

黑臺山墩州北二百六十里

免哥山墩州東北二百七十里

梨哥山墩州北二百八十里

小川山墩州東北二百九十里

党家原墩州北二百三十里

階州

斬賊關

舊名望賊在州北一百五十里路通沔畧宜防

七防關

州東北三百餘里距畧陽甚近川湖要路商賈

近被賊擾民去其鄉商不出途荒山僻徑劫掠公行已成秦莽矣為地方計者當急思整頓之良策也

上下板橋

州西北十里郭恭將設有軍守

柳堤

州西北三十里近西禮土

米倉山堡

郭恭軍設有

中寨

州東北二百里通西禮蕃盜出入之路有墩軍守

吊子峪

州西北一百三十里通西禮蕃盜出入之路有墩

太石河

與西禮連界土番土賊礮徒狗獾每聚為患宜設法防禦

太石山堡郭恭將築山高路峻要害宜防

三岔口

黃楊坪

木竹坪

慈竹坪以上四處皆在耿益峪最深處昔年西番事擄

州城並附近居民賴以奉火宜防

石關州西十里郭

西水溝州西三十里通西禮

石門橋州西五十里西番惟上下打牙族利族最强盛

石門溝通西禮番盜出入

角弓峪州西八十里通西禮番

白鶴橋在角弓峪江西岸

殺賊橋州西一百二十里西固交界西番必由之路安

按階內地凡各番及土賊茶徒礮狗出入之路各處

在防守官大竹坪責在礮防官惟是大石河紅石庄大

水堤鐵甲山野馬河皆番民與西禮岷土番連界礮狗

盜賊之藪也平堤無險可守惟有炭編保甲擇地方

不時稽查以清窟穴此巡捕官所宜每飯不忘者也

夫閑隘以詰奸而堡寨以收保此亦官政所最急者近
多重邊堡而輕忽民堡殊不知虜闌而入則不趁邊堡
而趨民堡矣避有備攻無備勿可輕也况今賊氣未靖
處宜防使各堡編氓俱修備防守互相綢繆則長城

寧獨在邊防哉

險要雖以防番然去郡漸遠礦盜茶徒徇夷亂民不時竊發其來去徑路宜紀之以備偵防

一路自角弓峪通西禮生番盜賊出入之路

一路大竹坪林壑險峻礦徒徇民往來竊據

一路自三公口黃楊平通木竹慈竹或至城下昔年擄

守備范延武從此路入

一路自大石河乘其坪曠無險恣意出沒

以上入路不能

惟人情偷惰推委奸詭通同市利故彼得出其不意時為地方大患耳若專有責成炭加約束防範偵探俾不因循債事則又司疆者之責也

礦賊

大金廠

小金廠

鮮家溝

龍窩子

大竹坪

係成縣軍屯有防守官軍

豐泉山堡

係礦賊入蜀要路有軍防守

徇賊

馬陳二姓每數十人挾妻子馬騾遷徙搶掠得財即去而各屯軍餘窩留分利最宜嚴禁

土番

土番上接岷下連西禮每窩盜事發差捕則聚衆挺
持拒敵即編立保甲庄頭終為難馴

軍餘

鎖地小川犀牛江寺距州數百里每村以千百計往
以窩礦窩狃為地方害隣近州縣以非轄難制階營又
以鞭長不及有心地方者宜留意焉

卷之五十九 終

天下郡國利病書卷之六十

漢中府

水利

南鄭縣

蕪水河堰

石梯堰

楊村堰

老溪堰

紅花堰

黃土堰



石門堰

石子拜堰其山河馬嶺野羅鹿頭見褒城堰志蓋兩縣共利之也

褒城縣

山河堰在縣南長三百六十步橫截龍江中流而東遶資以溉田乃漢相國蕭何勦築為豐儲計曹參落成之古刻云巨石為主瑣石為輔橫以大木植以長椿列為井字蜀諸葛亮駐漢鍾其蹟宋吳玠吳璘相繼修築至今利賴其下鱗次諸堰皆淵源於此

金華堰縣東南六里乃山河堰水析流之總渠也

第三堰縣南五里乃龍江下流分東西兩渠南褒漢中
共之者

高堰

舞珠堰

大斜堰

小斜堰

龍潭堰

馬湖堰

野羅堰

馬嶺堰

鹿頭堰

鐵爐堰

四肢堰

流珠堰縣南八十里星浪噴迅勢若流珠亦蕭何所築也嘉靖二十八年堤岸傾圮用力寔艱邑監生歐本禮相方度宜濬源導流編竹為籠寔之以石順置中流限以椿木胼胝數月方克畢工至今賴之

城固縣

楊填堰縣北一十五里出滑水河宋開國侯楊從義於河內填成此堰故名城固縣用水三分洋縣用水七分

五門堰縣西北二十五里出滑水河元至正間縣尹蒲庸以修築不堅改創石渠以通水利弘治間推官郝晟重開之俱有記

百丈堰縣西北三十里橫截滑水為堰闊百丈故名

高堰

盤蛇堰

橫渠堰

鄒公堰

承沙堰

倒柳堰

西小堰

上官堰

東兒堰

周公堰

沙平堰

東流堰

坪沙堰

西流堰

流沙堰

鵝兒堰縣東北十里寶山之麓相傳二龍化鵝戲水堰

崩故名

洋縣

斜堰縣北五里堰若澆水下流歲苦衝崩萬曆十七年知縣李用中以石條橫甃數丈許仍東開土渠灌溉資之

土門堰縣北十里

澆濱堰縣北一十五里堰水所給甚遠下有斷澗二歲每為板槽引水值水橫發槽輒淪落田涸稿民甚苦之萬曆十五年知縣李用中創石槽二極為完固始永濟矣有碑記

芋溪堰

二郎堰

高原堰

三郎堰

西鄉縣

金洋堰在縣東武子山後有大渠一支分小渠二十有五其名不具載

五渠堰

官莊堰

牛地堰

空渠堰

東龍溪堰

西龍溪堰

驚軍壩堰

洋溪河堰

高川河堰

高頭壩堰

長嶺岡堰

黃池塘堰

羅家秤堰

梭羅閔塘堰

沔縣

馬家堰

石門堰

白崖堰

石燕子堰

天分堰

山河堰

金公堰

三岔東堰

三岔西堰

石刺塔堰

羅村堰

金泉東南四十五里源泉湧出灌田千餘頃

莫底泉東南四十里泉出不竭俗傳無底灌田百餘畝

寧羗州

七里堰州西七里嘉靖間知州李應元修溉田十餘頃

他近溪處所多有小堰

按築堰溉田為利最大厥工亦最艱歲出椿貨歲動夫力苟無法以變通之則利源反為害叢矣故議者

謂蔕筒之宜置也。指築之宜堅也。衝崩之宜稽也。堰長之宜擇也。夫冊宜清。洞口宜石。而灌序之宜定也。蓋筒置則椿可省。築堅則堤無潰。衝崩稽而補修有數。乾沒者何所作其奸。堰長擇而督率得入。規遊者何所施其巧。夫冊綜以清。斯無偏苦之憂。洞口砌以石。斯無盜挖之弊。若上四下六之次序有定。則上壩下壩之分顧各得所。稱水利者。信乎其為美利。而積于不涸之源。流于不竭之緒矣。

茶課

西鄉縣二萬九千六百八斤五錢。

何大復曰。漢中之茶產于西鄉。故謂盡茶地。余問之不然。西鄉茶地惟三里耳。三里去縣又四百里。經于豺虎寇盜之窟。比以加賦。其民晝夜治茶不休。男廢耕。女廢織。而莫之能辦也。於是乎有逋戶焉。

甘泉

秦宣太后殺義渠王於甘泉

始皇二十七年作甘泉宮前殿

二十五年欲遊天下道九原直抵甘泉乃使蒙恬通道自九原墜山堙谷千八百里道未就而行出

二世起林光宮從廣各五里

漢文帝三年帝如甘泉

十年冬行幸甘泉帝自甘泉之高奴回幸太原

十四年匈奴入寇候騎至雍甘泉遣兵擊之出塞

而還

武帝元朔四年冬行幸甘泉

元狩二年遣驃騎將軍霍去病擊匈奴得休屠王祭天
金人祠甘泉以為天神主

五年天子病昴湖甚巫醫無所不致不愈游水發根言
上郡有巫病而鬼神下之上召置祠之甘泉及病使人
問神君神君言曰天子無憂病少愈彊與我會甘泉
於是病愈遂起幸甘泉病良已置酒壽宮壽神君神君
最貴者太乙其佐曰大業司命之屬皆從之弗可得見
聞其言與人等音時去時來則風肅然居室帷中
時晝言然常以夜天子夜然後入因巫為主人閑飲食
所以言上使人受書其言命之曰晝法其所語世俗之

所知也無絕殊者而天子心獨喜其事秘世莫知也

元鼎二年十一月上待方士李少君于甘泉宮

四年六月汾陰巫錦得大昴于魏睢后土宮旁河東太
守以聞天子使驗問巫得昴無奸詐乃以禮祠迎昴至
甘泉從上行薦之宗廟及上帝藏於甘泉宮群臣皆上
壽賀

五年上幸甘泉立太乙祠壇所用祠具如雍一時而有
加焉五帝壇環居其下四方地為醊食群臣從者及北
斗云十一月辛巳朔冬至昧爽天子始郊拜太乙朝
日夕月則揖而見太乙如雍郊禮其祠列火滿壇

旁烹炊具有司云祠上有光公卿言皇帝始郊見太乙
雲陽有司奉瑄玉嘉牲薦饗是夜有美光及晝黃氣上
屬天太史令談祠官寬舒等曰神靈之休祐福兆祥宜
因此地光域立泰時壇以明應令太祝領秋及臘間祠
三歲天子一郊見以李延年為協律都尉作十九章之
歌以正月上辛用事甘泉園丘使童男女七十人俱歌
昏祠至明夜嘗若有神光如流星止集於祠壇天子自
竹宮遙拜百官侍祠者數百人皆肅然心動

元封元年帝行自雲陽北歷上郡西河五原出長城北
登單于臺至朔方還祭黃帝冢橋山迺還甘泉類祠太
一又令民能入粟甘泉各有差以復終身不告緡一歲
之中甘泉倉滿

二年作甘泉通天莖臺從公孫卿仙人好樓居之言也
六月詔曰甘泉宮內中產芝九莖連葉上帝博臨不異
下房賜朕弘休其赦天下毋自復作賜雲陽都百戶牛
酒作芝房之歌冬十二月帝還祠太乙拜德星贊饗曰
德星昭行厥維休祥壽星仍出淵耀光明信星昭見皇
帝敬拜恭祝之饗

五年冬帝南巡狩至於盛唐遂北至琅邪並海還幸甘
泉

太初元年冬十一月，栢梁臺災，祠后土，東臨勃海，望祀蓬萊。春，還受計于甘泉。

天漢元年春正月，行幸甘泉，郊泰畤。

四年春正月，朝諸侯王於甘泉宮。

太始三年春正月，行幸甘泉宮，享外國客，令天下大酺五日。

征和二年，帝行幸甘泉，巫蠱起，黃門蘓文亡歸甘泉宮言狀。

四年夏六月，自泰山還幸甘泉。

後元元年春正月，行幸甘泉，郊泰畤，遂幸安定。

二年秋七月，朝諸侯於甘泉宮。

宣帝神爵元年春正月，帝如甘泉，郊泰畤。

二年正月上，幸行甘泉，郊泰畤。

四年，上行幸甘泉，郊泰畤，有神雀，五采集甘泉泰畤殿，赦天下。

五鳳元年，上行幸甘泉，郊泰畤。

甘露元年，行幸甘泉，郊泰畤，匈奴呼韓邪單于遣子右賢王銖婁渠堂入侍。

三年春正月，行幸甘泉，郊泰畤，匈奴呼韓邪單于稽侯緡來朝。

黃龍元年上行幸甘泉郊泰時匈奴呼韓邪單于來朝
元帝即位遵舊間歲正月一幸甘泉郊泰時施恩澤惠
事所過毋出田征

初元二年正月行幸甘泉郊泰時賜雲陽民爵一級女
子百戶牛酒

三年罷甘泉宮衛令就農百官各省費

四年行幸甘泉郊泰時赦賜民爵一級女子百戶牛酒
鰥寡高年帛所過毋出租賦

永光元年春正月行幸甘泉郊泰時赦雲陽徒賜民爵
一級女子百戶牛酒高年帛行所過毋出租賦

五年行幸甘泉

建昭二年行幸甘泉郊泰時赦

成帝建始元年作長安南郊罷甘泉祠從丞相匡衡御
史大夫張譚之奏也是日大風壞甘泉行宮折拔時中
樹木十圍以上者百餘

永始三年冬十月庚辰皇太后詔有司復甘泉泰時
四年春正月行幸甘泉郊泰時神光降集紫殿大赦天
下賜雲陽吏民爵女子百戶牛酒鰥寡孤寡高年帛
元延二年春正月行幸甘泉郊泰時待詔楊雄奏甘泉

賦

四年行幸甘泉郊泰畤

綏和二年春正月行幸甘泉郊泰畤 月帝崩皇太后

詔有司曰皇帝即位思順天心尊經義定郊禮天下說

熹惟未有皇孫故復甘泉泰畤汾陰后土庶幾獲福皇

帝艱難之卒未得冥祐其復南北郊長安如故以順皇

帝之意

哀帝建平三年寢疾乃令太皇太后詔有司曰皇帝孝

順奉承聖業靡有懈怠而久疾未瘳夙夜惟思殆繼體

之君不宜改作其復甘泉泰畤汾陰后土祠如故上亦

不能親至遣有司行事而禮祠焉

平帝元始五年復南北郊罷甘泉祠

雲陽

雲陽在今涇陽三原二縣之間

少昊青陽氏葬雲陽

秦始皇二十七年北擊胡悉收河南地因河為塞築四

十四縣城臨河徙適戍以充之而通直道自九原至雲

陽徙五萬家於雲陽復不事十歲

漢武帝太始元年徙郡國吏民豪傑于雲陽

昭帝後元二年秋七月追尊趙婕妤為皇太后起雲陵

以其地置雲陵縣

始元元年夏為太后起園廟雲陵

三年秋募民徙雲陵

四年春三月甲寅徙三輔富人于雲陵賜錢戶十萬

成帝鴻嘉二年春行幸雲陽

平帝元始五年罷雲陵以其地屬雲陽縣

三國魏司馬宣王撫慰關中罷雲陽為縣以其地置撫

夷護軍

晉元康初趙王倫選征西將軍開府儀同三司鎮關中

復罷護軍氏羗反又立護軍

秦苻堅于嶽嶽山北永安鎮置三原護軍

即姚萇宮三原故縣地也

今在本縣地迤西有孟侯原

後魏太武帝太平真君七年罷護軍於永安鎮置三原

縣又別置雲陽縣

曰別置則在差峩山前非漢時故地

俱屬北地郡

建德二年廢建忠郡置雲陽郡

周高祖有疾還至雲陽命中山公護受遺輔嗣子冬十

月乙亥崩于雲陽宮

武帝建德二年秋七月庚申行幸雲陽宮

四年秋八月丙辰行幸雲陽宮

六年 月癸巳行幸雲陽宮

宣帝宣政元年夏五月癸巳帝不豫止雲陽宮丁酉還

京

隋文帝開皇三年罷雲陽郡

唐高祖武德元年析雲陽置石門仍置三原縣于永安故城

三年以石門溫秀置泉州以治水衝城徙雲陽于南十五里

太宗貞觀元年廢泉州省溫秀更石門曰雲陽

十三年春三月壬寅雲陽石燃方丈晝則如灰夜則有光投草木則焚

八年省雲陽更池陽曰雲陽

武后天授二年以雲陽涇陽醴泉三原置鼎州

大足元年廢鼎州以雲陽縣隸京兆府

代宗永泰元年詔李光進屯雲陽

武宗會昌四年冬十一月獵於雲陽

後唐莊宗同光元年以雲陽縣隸耀州順義軍

宋太宗太平興國二年以雲陽縣隸感德軍

淳化四年以金龜芋六鄉建為縣屬永興路宣和初改隸邠州建炎四年沒于金隸京兆府路金隸耀州

元隸奉元路

至正元年移縣治于三水改為三水縣

十八年復徙今治屬鳳翔府邠州

皇明改奉元路為西安府以縣屬焉
成化四年分建三水縣

淳化志襍辯

甘泉縣一隸延安府雍錄古以甘泉名宮者三秦之甘泉在渭南一也漢之甘泉在雲陽縣磨石嶺上二也隋之甘泉在鄠縣三也長安志曰唐石嶺山有甘泉十道志曰甘泉出石鼓西原漢甘泉宮在山上即秦林光宮旁也此則取石鼓甘泉以名者也隋宮在鄠縣西南二十里對甘泉谷秦之甘泉史嘗明言在渭之南秦始皇本紀迎太后於雍而入咸陽復居甘泉宮徐廣曰表云咸陽南宮也秦時咸陽跨渭南北則此宮不在渭北之咸陽而在渭南之咸陽也又本紀曰始皇諸廟及章臺

上林皆在渭南，已而更命為極廟，自極廟道通鄜山，作甘泉前殿，築甬道，自咸陽屬之，則甘泉前後必近上林，即鄜縣也。由是觀之，則秦之甘泉與隋之甘泉正同一地。若秦之林光，至漢猶存。漢武元封二年，始即磨盤嶺山，秦宮之側，作為之宮，是為漢甘泉矣。孟康注郊祀志曰：甘泉一名林光。師古曰：漢於秦林光旁起甘泉宮，非一名也。師古之說是也。元封二年以前史之所記文景皆嘗臨幸甘泉，而不曰甘泉有宮，可幸當是秦之林光還在磨盤嶺上，不燼于火，而尚可用也。戰國策范雎說秦王曰：大王之國四塞以為固，北有甘泉谷，南帶涇渭。

右隴蜀左關阪，夫睢指甘泉谷為秦北面之塞，即雲陽縣甘泉山也。甘泉山即車盤嶺也。武帝雖別創甘泉一宮，而秦之林光如故也，則謂甘泉宮在林光宮旁者也。且武帝之為此宮也，不獨以備游眺也。采信方士明庭之語，求以自通於仙，故增之又增之。如秦時如仙掌霞盤及太一諸畫象，盡在其上也。此山高出它山，南距長安已三百里，而望見長安城堞，其上有通天臺，雲雨悉在臺下。自武帝後，山上宮殿臺觀，略與建章相比，而百官皆有邸舍，故帝以五月避暑，八月乃歸也。元和志曰：當其登山，必自車箱阪而上，阪在雲陽縣西北三十

八里縈紆曲折，單軌終通。上阪即平原宏敞，樓觀相屬也。其縈紆曲折，故名車盤也。匈奴入寇，而烽火通甘泉。長安兩地者，以人主時往甘泉，不敢主定其處，故烽火而通也。

三輔黃圖：甘泉苑，武帝置，緣山谷行，至雲陽三百八十里。八右扶風，周迴五百四十里。苑中起宮殿臺閣百餘所，有仙人觀、石闕觀、封巒觀、鳩鵲觀、御宿苑。在長安城南，又曰漢畿內千里，並京兆治之。內外宮館一百四十五所。班固西都賦云：前乘秦嶺，後越九峻，東薄河華，西涉岐雍。宮館所歷，百有餘區。秦離宮二百，漢武帝往。

修治之。

按此則甘泉宮三輔故事所謂北至甘泉九峻南至長楊五柞連綿四百餘里通內外都城而

也言

銅人，秦鑄銅為長狄之象，始於秦世。漢亦倣鑄，而又增大。三輔黃圖：甘泉宮通天臺上有承露盤，仙人擎玉盤以承雲表之露。元鳳間，自毀椽桷，皆化為龍鳳，隨風雨飛去。此即甘泉之銅人也。三輔故事曰：武帝銅露盤，承天露，和玉屑服之，欲以求仙。班固西都賦曰：抗仙掌以承露，擢雙立之金莖，軼埃壒之混濁，鮮顥氣之清英。張衡西京賦曰：立修莖之仙掌，承雲表之清露，屑瓊蕊以朝餐，必性命之可度。按凡此記此賦，皆指武帝所鑄捧

盤承露也。魏畧曰：明帝景初元年，徙長安鍾虓駱駝銅人承露盤，折銅人重不可致，留於霸城。又漢魏春秋曰：明帝徙盤，折轂聞數十里，金狄或泣，曰：留于霸城。故李賀金銅仙人辭漢歌，叙云：魏明帝青龍九年八月，詔宮官牽車西取漢武捧露盤仙人，欲立置前殿。宮官既折盤，仙人臨載，乃潛然泣下。其歌曰：魏宮牽車指千里，東閔酸風射眸子。空將漢月出宮門，憶君清淚如鉛水。哀蘭送客咸陽道，天若有情天亦老。携盤獨出月荒涼，渭城已遠波聲小。辯曰：魏方來徙，人存而盤已折，則承露之具不全。魏人每肯載之以東也。至謂銅人就

載泣下，則怪之又怪者也。李賀所言，又並此而加怪焉者也。賀之詩辭曰：哀蘭送客咸陽道，又曰：渭城已遠波聲小。咸陽渭城皆在渭北，若銅人自此地徙移，則必自甘泉來。甘泉銅盤，元鳳間已摧毀。雖其椽桷亦化龍鳳，則漢明之世已無銅人可徙，而況能及曹魏也乎？則謂携盤而出咸陽渭城者，又謬也。况魏明帝青龍之五年，已自改為景初元年，則魏世自無青龍九年賀之說，出于妄信，益可見矣。又况人盤力重，長樂正在平地，徙之尚折，甘泉山高險，一名車盤，為其不可直度，而須迂迴取徑，若車盤然，此之銅人，豈可全体移載也哉？又漢

武所鑄如飛燕龍馬之屬漢明帝皆嘗迎而取之其人
力可勝者已遂致之洛都矣獨金狄重不可前乃遂棄
諸霸城而已然則移徙銅人者迺漢之明帝而非魏之
明帝也魏畧所言正是誤認漢明以為魏明世人隨而
和之不足憑矣世人但見魏明甌鑄二狄故并移弃霸
城者而歸之魏明也若謂漢明時已嘗補鑄則董卓先
在東都凡其龍馬皆嘗取之以為錢材決不肯毀小而
存大此自可以意逆也

祭天金人匈奴傳曰霍去病出隴西過焉耆千餘里得
匈奴祭天金人師古曰作金人以為天神之主而祭之
即佛像是其遺法也按今世佛像不問範金捏土采繪
而其像通身黃色則皆本諸鑄金也武帝既得此像遂
収而祠諸甘泉以其得自休屠分地之內故係之休屠
也漢志謂馮翊雲陽有休屠祭天金人者是也雲陽縣
者甘泉宮地也休屠已降而為渾邪王所殺武帝嘉其
向已遂并与金像而尊之既已祠諸甘泉又取休屠王
列之典祀而名之以為路徑神也見祀郊志日磾者休
屠太子也武帝以其父故而寵養之賜姓曰金則又本
之金像也已而日磾之母死帝画其像于甘泉而題之
曰休屠王閼氏也夫惟寶其像祠其父姓其子繪其母

直皆以其來降而尊異之也。自此以外，史無他門也。班固漢人也，具著其寔首尾如此之詳。至曹魏時孟康注釋漢志，始曰匈奴祭天處在雲陽縣甘泉山下。秦奪其地，後徙其像於休屠古地，而又為去病所護也。自此說既出，而晉史隋史亦皆據信入之。正史予以世次先後攷之，未敢遂以為然也。

右休屠金人及徑路神祠之辨

杜佑曰：冒頓以秦二世元年自立，擊走月氏，則是秦二世已前月氏之地未為匈奴所有。休屠未得主，典其地，安能徙像以寔而不為月氏所卻也？則謂避秦而徙休屠右地者，理之必不可者也。則孟康之語顯為無據。不待多求矣。若夫金像之所自來，則於是有攷而非避秦以徙之謂也。張騫傳曰：月氏者，燉煌祁連間一小國也。燉煌，沙州也。祁連，天山也。本皆月氏地也。沙州、天山之間有城焉，名為招武。招武者，即佛之號。釋迦棄其家而徙佛之地也。月氏既為匈奴所破，則遂散竄于葱嶺之西，為十餘國。允冠、昭武為姓者，皆塞種也。塞則釋教之訛者也。此地與崇釋教，而月氏國焉。故金像遠在其地，而為去病所得也。用何說以為主執，而云自秦地而徙之月氏也。

右辨甘泉非匈奴祭天之處秦未嘗奪其地其金人乃自休屠右地移徙來者非自甘泉而徙去也

楊雄甘泉賦曰翠玉木之青葱兮璧馬犀之璘璠左思訊之曰果木生非其壤於義虛而無證也李善引漢武故事則曰止起神屋前庭植玉木珊瑚為枝碧玉為葉若如所言則是木也蓋用珊瑚碧玉裝飾為之其謂翠而青葱皆狀碧玉之色而已非真有是木根著其地也至黃圖則又有異矣曰甘泉谷北岸有槐今為玉木根榦盤峙三二百年木也十道志所記亦同楊震閔輔古語云耆老相傳咸以為此木即楊雄之謂玉木青葱者也

也詳此二說又直謂木本槐也而名之以為玉木焉耳予即本賦上下文求之則雄指殆可類推也曰璧馬犀之璘璠則非有真馬真犀也直以璧玉刻為其形焉耳世固無璧馬璧犀也又曰金人屹以承虛者虛鍾也則比木虛加珍矣故誇之以見其盛也於是合三者言之則玉也璧也金也寔非土毛而皆假物為之則漢武故事所著大為可據也若指其木以為槐亦自一時所見然槐葉望秋先零不貫四時其碧不長恐非雄之所誇也

鑄鼎荆山即峩峩山其山陽為鼎州其南為湖縣其西

為治谷皆黃帝鑄鼎之證。帝王世紀曰：黃帝鑄鼎于荆山，鼎成崩于荆山之陽。長安志載嵯峨山事曰：黃帝鑄鼎此山，今河南閩鄉有鼎湖驛，亦傳為黃帝崩處。然荆山既有鼎州湖縣治谷及仙里仙發諸村，則鼎成仙去之跡甚明，而閩鄉無他左証。况橋院去此地近，當以世紀為是。又史載黃帝鑄鼎于荆山，今山陽有鼎州，則此山為黃帝鑄鼎所在，帝時名荆山也。按禹貢導岍及岐至于荆山，今岐山東惟峨山為大，禹紀事乃略其大而詳其細，不記其山而叙其麓，有是理也。又按宋敏求雲陽志曰：嵯峨一名截藥山，又名慈峨山，四夷郡縣圖記

曰：山頂有雲氣即雨，人以為候。昔黃帝鑄鼎于此山，觀此則此為荆山，其証甚明。諸儒以富平為荆山者，信誤矣，不疑。又按仙去之說，猶言賓天云耳。由秦皇漢武好仙，方士欲售其術，故以黃帝為乘龍上天，此妄誕無稽語也。後人不察，以為寔事，殊不知天一日而旋一周，朝在九霄之上，則夕在九泉之下，其運轉之疾無可比方。人坐車輪而運於地者，頃刻暈眩，乃運于天之上，其能生耶。

右升仙之辨

梨園在光化門北，光化門者禁苑南面西頭第一門，在

芳林景曜門之西也。中宗令學士自芳林門入集於梨園。分明板河則梨園在太極宮西禁苑之內矣。開元二年置教坊於蓬萊宮。上自教法曲。謂之梨園弟子。至天寶中即東宮置宜春北苑。命宮女數百人為梨園弟子。即是梨園者。按樂之地。而預教者名為弟子耳。凡蓬萊宮宜春院皆不在梨園之內也。上素曉音律。時有李龜年賀懷智皆能以伎聞。安祿山獻白玉簫管數百事。皆陳于梨園。自是音聲絕不類人間。此之玉簫所陳者。乃始正在梨園也。長安志又曰。文宗幸北軍國幸梨園。又今太常卿王涯取開雅樂。選樂童按之。名曰雲韶樂。成獻諸梨園亭。帝按之會昌殿。此之會昌殿也者。即在梨園中矣。

右梨園弟子之辨

岐陽石鼓。元和志曰。石鼓文在鳳翔府天興縣南二十里。周太王之都秦雍縣。漢右扶風唐天興縣。石形如鼓。其數盈十。蓋記周宣

王田獵之事。即史籀之迹也。今武帝祠有石鼓。文多剝落。其可辯者。惟魏文帝太和六年。乃宋順帝昇明元年也。有艾經

艾程邑士夫敬謁。政和六年。尹天覺張光李法石彥政。種浩率胡臨宰王仲武簿張仲恭尉步子厚寄居劉直道緣仲秋檢踏屯田。恭謁武帝廟時。孝昌乙卯。乃梁武帝大同

元年十月三日寺字樣按此皆南渡以後登臨姓名其所謂石鼓西原者蓋以形言而非岐陽之石鼓也

右石鼓西原之辨

蔡邕獨斷曰天子出車駕次第謂之鹵簿有大駕小駕有法駕大駕祠天子甘泉備之百官有其儀注名曰甘泉鹵簿中興以來希用之案邕此記則惟郊天甘泉乃是夫漢昭儀之謂法從者慮鹵簿中有從官焉人或大駕大駕行則公卿皆從若用法駕已下則公卿不從矣若夫漢昭儀之謂法從者慮鹵簿中有從官焉人或非之故立為之名而曰法從也言天子在行則其宮貴皆當以法得從也楊雄見之果設却妃之諷則其預立

此名蓋以自文本非公卿扈行正語也

右昭儀法從之辨